

國家圖書館藏

稀見明史史籍輯存

總發售局

曹學佺行述



明殉節榮祿大夫太子太保禮部尚書雁澤先府君
行述

先宮保公丙戌歲殉節日不孝

孟善

方穉齡先兄

孟表孟濟孟坦孟秉

等苦塊中泣述行實因戊子

寇荒城郭丘墟板遂不存及庚戌歲奉先宮保

公靈柩葬於鼓山魁岐之陽先岳太僕林公撰

次誌銘嗣奉

旨取名臣實錄備脩明史先兄

孟表

等簡摘其槩同

誌銘以獻

孟善

竊思

先宮保生前文章死後節

義已勒國史傳海內矣第不詳述其顛末曷以盡
覩生平泣讀 先宮保公七十自叙文併手錄政
績與七十以後之懿行籍籍人間者謹備採擷不
文不次敬呈

鉅公大人賜垂覽焉

先宮保公諱學佺字能始別號雁澤先世由鳳翔
鐵馬公從前明太祖軍入閩遂家焉五傳而生贈
叅政西衢公西衢公生贈叅政及渠公及渠公生
宮保公幼而弱不好弄每遇人有所爭則匿避之

唯恐其侵已十一歲習舉子業十八歲受知于金谿周公領批上府道俱冠諸生入庠月餘即赴鄉試本房鄞縣周公以廣文聘入闈私祝曰吾必首開卷而即獲雋宮保公是時交卷獨早故先謄錄而以此應房師之祝主考給諫孟公儀部姜公欲置正魁及折姓名以時有蜚語中之即畧停筆而提調監試諸公驩然相慶曰此童子郎大奇士也該房可謂得人矣因填三十八名於榜出闈廉知食貧乃大悔壬辰會試未第歸始娶鼎元龔公女

益下帷攻苦每手文一篇同年司空董公必讚賞
之謂漆園左氏當讓其唇舌也甲午冬抵都下與
海內諸名家會課制義咸推許以為歸太僕後身
也今科元卷屬閩中矣宮保公會試卷分在歷城
董公時為職方司郎中公薦之主考新建張公任
邱劉二公亟以是卷當冠場置之座右而同考諸
公謂部屬房公中元久無此例主司方在持疑有
一房從旁語曰此卷洵有元局但似科深之人恐
不雅觀張公提筆頷之曰君言是也遂於卷面一

字加監為第十名及放榜庭謁張公遽彈指曰誤
矣誤矣因與房師訂館選當以見畀乃未脩私覲
之禮遂弗踐其言焉歸閩以素車白馬不憚千里
往哭金谿周公之墓著有掛劍篇戊戌新建張公
被逐歸踉蹌走出通灣一物不備門人故吏莫敢
往視官保公適為倉曹追送舟次為庀輿馬糗糧
甚悉公眎曰何相報之篤也未幾臺省以銜公不
已遷怒于官保公指摘丁酉科分考所取場卷為
險恠不經調南京添註大理寺左寺正久始得轉

南京戶部郎舊都散秩無事日與諸名公論文賦
詩著有金陵初稿併金陵上中下集時福唐葉公
為南少宰叙云立格高而詞益出于獨創又云吾
郡名士能文章自大理外有董崇相謝在杭陳元
凱皆在南中士大夫相說謂三山多才獨予陋劣
愧從諸君子後大理顧欲進之以此道也其評予
文謂直遂而少紆曲予甚服其言而不能改云云
是福唐與宮保實有文章切劘之誼焉時于金陵
永慶寺謁李卓吾先生次日卓吾先生語焦弱侯

太史曰予鄉有一學道人詢之即曹某也弱侯太史謂宮保公曰不佞與卓老周旋廿載未嘗以學道二字評人何子能遽得之又安福鄭公于辛卯獲科日即語宮保公曰以子之力量不但可以為卿為相且可以為聖為賢英年即為鉅公所推重如此已酉叅藩之蜀值建南不靖召兵防守而轉餉于州西南過大渡河輒遇瘴而斃宮保公特假便宜將其項下腳費運官徑解該道自行買運而蜀人免於饋運始得安枕蜀大饑民死者枕藉宮

保公設廠煮粥存活無數及繪圖上請發帑金三萬賑濟蜀人相詫以為三百年未有之特恩也蜀中遇造黃冊及軍田冊皆派于民所費不貲官保公訪知通省內有兵民一歟係有司折乾及饋送津要悉令查出以充二冊紙張盤纏之用十年一畚永著為令蜀有行坐二稅行稅取之商賈尚可流通坐稅取之民間秋毫必折而歲荒流亡稅無所出官保公清查歷年行稅贏餘積至萬餘兩即以抵本年坐稅省却無數鞭朴而致謗之因即根

抵于斯矣蜀藩回祿佑脩邸第費至六十七萬奉
明旨指給宮保公堅執前宗藩例却之後有允為
申詳者會同宮保公竟不僉押雖罪端彌集不以
為悔渝地多盜至冬為甚民無寧宇宮保公移駐彼
中嚴行禁戢約束巡捕官兵萑蒲之寇聞風而遁
戶不夜扃及至歲首月朔街民鋪戶走集城隍祝
以多留一日則地方安靖一日蜀路多險行者戒
心宮保公署驛傳時詳允兩川各發千金及搜括
費贖羨餘不等悉為脩治道途併添造橋梁以免

過冲之患蜀多名勝公暇則與寮佐探搜洞壑布
置亭館著有巴草蜀草四卷辛亥晉秩憲長隨獲
謗削三級而歸歸之日蜀人遮道扳留數日不得
發幾成大變宮保公諄切慰諭之始散且聞鄉紳
士民有欲千里叩 閭者故銜而忌之者益深過
匡廬愛其山水卜築其下欲移家就居不果歸拊
石倉園林位置二十餘景賓朋歛集詩歌雜進日
為文酒設燕之樂錢牧齋先生所謂近世所罕有
者也纂成天下名勝誌選十二代詩盛行于世復

殫力五經撰著一家言旁通于天文禪悅字說語
錄諸學皆有所纂輯天啟癸亥起粵西少叅以察
吏為先務好賢惡不肖極其真切官之賢者必游
揚恐後其有貪污之輩即時開報如靈川縣義寧
縣皆臚列而黜處之以快人心狐鼠聞風而逃民
獲安堵桂林宗室素不馴法結黨橫行挾制官府
莫之誰何官保公毅然以權歸之有司必不許其
凌囂遇事必反覆開譬以服其心于是宗室始肅
然知有律矣全灌興安各州縣糧米多從水路來

宮保公時泊舟東江驛親詣驛中兌與應支軍士
糧戶省費軍得實惠各糧頭呈乞勒石永遠遵行
開局鼓鑄奉有明旨但向來因循本多息少計兩
年纔報利一千三百金宮保公立課程塞敝竇兜
底清查半歲而獲利加倍今每年限廠利銀五千
兩抵餉桂林私鑄姦徒多藉宗室為窟穴捕者不
敢問宮保公訪知其確現獲鍾仲勲龍遇奇等數
起問辟發配有差其風始息搖擗不通語者有司
與把哨等官亦易魚肉之往往激變宮保公嚴加

禁戢訪知六洞徭民苦於該哨官軍輪供飯食需
索香信即詳改設營鎮于竹壘地方以免入峒騷
擾平樂郡旱荒米價騰涌市皆罷糴適逢東省之
變奸民刁軍洶洶而起官保公鎮定嚴束官兵防
守一面計發食糧請借餉米銀給票差官同商四
下買運各方聞采買米船接踵而至市價始落民
乃安然官保公署學道即出示凡補廩增俱由府
縣申詳批發不許本生具呈及改學冒籍貫等項
旁竇盡塞考取生童矢公矢慎案發之日中外咸

服諸如印發由粟以杜飛譌釐正倉糧以屏奸猾
奉文清軍則清出冒糧八十石其防守應差之外
精壯者一千餘石盡以入操查屯則查出熟田五
百餘石荒米七百餘石現在開懇至於問斷詳慎
不拘成案凡所平反共嘆為神 宮保公時攝六
篆日無暇晷有詩云六篆懸雙肘千瘡集一身而
往來征途遇巖壑幽勝必停車搜陟著有桂林集
三卷給諫皖城阮公序薦 宮保公謂著作淵源
宜致于左右以備顧問福唐葉公再入相欲從叟

主爵如給舍言有中阻之者遂不果量移陝西副
使已被簡書兩廣三院會疏保留仍治粵不得
行時有鐫野史記畧者為張差挺擊一案陽羨何
公属宮保公並之乃枚舉其顛末甚悉而附瑞
諸公遂大切齒于宮保公必欲驅之死地與楊
左諸公同科奉嚴譴削職為民粵西當西事者不
聽宮保公歸羈留七十日凡于三年中所行事
件磨勘欲挾其瑕釁以報廠衛而竟無所得又欲
折毀宮保公所創書院亭榭在漓水巖洞間者

